

Pressiteediis 12. mai 2016

Vahtsõsttarvitus Võromaa muudu – III Uma Pido lavastusõ vesiratta' vaihtõdi IV Uma Pido sümbolpilli ritsikpilli vasta

Täämbä jõudsõva' minevädse Uma Pido lavakujondusõn tarvitõt vesiratta' vahtsidõ umanigõ mano. III Uma Pido lavastusõn 2013. aastagal aviti' nä jutusta Pühäjõõ vii ja kivvega kõüdet sõnomit. Vesiratta' jääse' kõüdetüs Pühäjõõga – üts näist läts Veriora valda vällalavadõ man pruukimisõs ja tõõnõ Sõmmõrpalo valda Sulbi kohviku mano. Mõlõmba' paiga' omma' Pühäjõõ (Võhandu) kaldõ pääl, miä juusk läbi suurõmba osa Vanast Võromaast.

Tenos vesiratta iist teivä Sulbi ja Kärgula külä mehe' Umalõ Pidelõ suurõ ritsikpilli. Ritsikpill om seokõrdsõ pido sümbolpill. Hariligun suurusõn, käen hoitavit ja näppega klõbistatavit ritsikpille teivä Põlva maakunna koolilatsõ Umalõ Pidelõ kingis 2000 tükkü. Pillikese' kingitas pidolõ tulõvilõ laululatsilõ ja lavastaja om lubanu näil pidol ka kõlla' laskõ.

Sulbi kohviku vidäjä Rain Epler üteli' Uma Pido kõrraldajilõ: „Pühäjõõ veeren om Sulbi kohvik, mille paikligu' inemise' omma' tennü ilma ütegi euroraha toelda. Tuu and usku ja luutust ka tõõsilõ maal elävile inemisile, et elo- ja vesiratas saava ringi kävvü ka lihtsalõ ütenukun tegemisest sündünü väe tugõmisõl.”

Tõõnõ vesiratas löüdsõ uma kotussõ Leevi vabaõhulava man. Veriora valla kultuurijuht Piret Rammo oll' rõõmsa, et sääne avalik pakminõ tull': “Et mi vabaõhulava' omma õkva viisilmi man (Leevil om Võhandu õkva lava takan ja Veriora laululava om paisjärve kaldõ pääl), sis lavakujondusõs om vesiratas õkva asja iist. Meil om joba mitu hääd mõtõt, kuis seod ratas edespite tarvita.”

Neläs Uma Pido tulõ 28. mail 2016. Seo om kõgõ Vana-Võromaa ja timä katsa kihlkunna rahva umakeeline laulupido, kon lauldõn tundas rõõmu uma rikkaligu kultuuriperändi ja ummamuudu ilmakaemise üle. Seokordne pido kõnõlõs mõtsast ja väeliidsist puiõst.

Triinu Laan
Uma Pido projektijuht
Võro Selts VKKF
tel 533 22 153
triinu.laan@wi.ee
www.umapido.ee

Pressiteedüssele omma' mano pant pildi vesiratta üleandmisest Leevil ja ritsikpilli kinkmisõst Sulbin.



Uma Pido projektijuht Triinu Laan ja Veriora kultuurijuht Piret Rammo vesiratast keerotaman Leevi vabaõhulava man.



Külamehe' Mihkel Soon, Rain Epler ja väiku Rasmus Kõu Epler Sulbi kohviku man suurt ritsikpilli üle andman.